

# SLUŽBENI GLASNIK OPĆINE BREZA

Godina IV Broj: 2

Breza, 01.04.2002.godine

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-560/02  
Breza, 28.03.2001. godine

Na osnovu člana 42. Poslovnika o radu Općinskog vijeća Općine Breza ("Sl.glasnik Općine Breza", broj 9/99), Općinsko vijeće Breza, na sjednici održanoj dana 28.03.2002. godine, d o n o s i

## PROGRAM RADA Općinskog vijeća Općine Breza za 2002. godinu

### A) OPĆE ODREDBE

Nadležnost, djelokrug rada, prava, obaveze Općinskog vijeća utvrđena su Ustavom Federacije Bosne i Hercegovine, Ustavom ZE-DO kantona, Zakonom o lokalnoj samoupravi, Statutom Općine Breza i Poslovnikom o radu Općinskog vijeća Općine Breza.

Programom rada Općinskog vijeća utvrđuju se poslovi i zadaci Vijeća, njihov osnovni sadržaj i način izvršavanja. U izradi Programa rada Općinskog vijeća pošlo se od Programa rada Općinskog načelnika.

### B) TEMATSKI DIO

#### I - STUDIJSKO ANALITIČKI POSLOVI:

1. Program rada Općinskog vijeća Općine Breza za 2002. godinu.  
NOSILAC ZADATKA: Predsjedavajući Općinskog vijeća,  
Sekretar Općinskog vijeća i predsjednici klubova,  
vijećnika i predsjednici radnih tijela Općin.vijeća (komisije).  
R O K: mart 2002.godine.
2. Program rješavanja uzurpacija i zaštita državnog zemljišta od novog bespravnog zauzimanja.  
NOSIOCI ZADATKA: Stručni saradnici i šef službe za prostorno uređenje,  
Rok: april 2002. godine
3. Program uređenja građevinskog zemljišta  
NOSIOCI ZADATKA: Stručni saradnik za građevinarstvo i  
stručni saradnik za prostorno uređenje,  
ROK: maj 2002. godine.



4. Program postavljanja garaža  
NOSILAC ZADATKA: Stručni saradnik za prostorno uređenje  
i šef Službe  
ROK: maj 2002. godine.
5. Program obavljanja komunalnih usluga zajedničke komunalne potrošnje.  
NOSILAC ZADATKA: Služba za prostorno uređenje, zaštitu okolice,  
geodetske i imovinsko-pravne poslove,  
R O K: april 2002. godine.
6. Program rada općinskog sudije za prekršaje.  
NOSILAC ZADATKA: Predsjednik suda za prekršaje.  
R O K: april 2002. godine.
7. Program pripreme i održavanja kulturnih, zabavnih i sportskih  
manifestacija, koje se planiraju organizirati u 2002. godini od strane  
Općine Breza.  
NOSILAC ZADATKA: Općinski načelnik.  
R O K: maj 2002. godine.
8. Program socijalne zaštite najugroženijih kategorija stanovništva na  
području Općine Breza.  
NOSILAC ZADATKA: Centar za socijalni rad Breza.  
R O K: april 2002. godine.
9. Šestomjesečni izvještaj Općinskog načelnika o provođenju  
općinske politike, izvršavanju općinskih propisa i drugih poslova  
iz svoje nadležnosti.  
NOSILAC ZADATKA: Općinski načelnik  
R O K: juli 2002. godine
10. Izvještaj o radu Općinskog suda za prekršaje Breza za 2001. godinu.  
NOSILAC ZADATKA: Predsjednik suda za prekršaje.  
R O K: mart 2002. godine.
11. Izvještaj o održanoj kulturno-zabavnoj i sportskoj manifestaciji  
"BAZENIJADA 2001. godine".  
NOSILAC ZADATKA: Općinski načelnik.  
ROK: oktobar 2002. godine.
12. Informacija o radu i ekonomskim rezultatima bazena - Sportsko-rekrea-  
cinog centra "ADA" u Brezi, te zauzimanje stava u formi zaključka o  
daljem statusu bazena kao objekta u vlasništvu Općine Breza.  
NOSILAC ZADATKA: Općinski načelnik,  
Služba za prostorno uređenje  
i Udruženje porodica šehida i poginulih boraca,  
Udruženje ratnih vojnih invalida i JOB.  
R O K: maj 2002. godine.
13. Informacija o stanju privatizacije na području Općine Breza.  
NOSILAC ZADATKA: Služba za privredu, obnovu i razvoj.  
R O K: Stalan zadatak.
14. Informacija o izvršenju rješenja o imovinsko-pravnim odnosima za  
izgradnju puteva na području Općine Breza.  
NOSILAC ZADATKA: Služba za prostorno uređenje, zaštitu okolice,  
geodetske i imovinsko-pravne poslove.  
R O K: septembar 2001. godine.



15. Informacija o rješavanju pitanja vodosnabdijevanja na području Općine Breza, te zauzimanje stavova smjernica i po potrebi donošenje Konkretnih akata u vezi realizacije projekta vodosnabdijevanja.  
NOSILAC ZADATAKA:  
R O K: Stalan zadatak.
16. Informacija o egzistiranju izbjegličkog kampa Smrekovica i o rokovima trajanja istog na lokalitetu Smrekovica.  
NOSILAC ZADATAKA: Općinski načelnik u saradnji sa UNHCR-om sa sjedištem u Sarajevu i Ministarstvom za ljudska prava i izbjeglice Bosne i Hercegovine.  
R O K: Stalan zadatak.
17. Informacija o provedenim planiranim izborima oktobar 2002. godine na području Općine Breza.  
NOSILAC ZADATAKA: Općinska izborna komisija.  
R O K: novembar 2002. godine.
18. Završni račun o izvršenju Budžeta.  
NOSILAC ZADATAKA: Općinski načelnik u saradnji sa Službom za opću upravu i finansije.  
R O K: mart 2002. godine.
19. Informacija o realizaciji zaključaka Općinskog vijeća Breza.  
R O K: šestomjesečni izvještaj.

## II - NORMATIVNO-PRAVNI POSLOVI

1. Odluka o izmjenama i dopunama Statuta Općine Breza.  
U skladu sa donošenjem nove regulative po donošenju Amandmana na Ustav Federacije i Ustav ZE-DO kantona.  
NOSILAC ZADATAKA: Stručna služba Općinskog vijeća.  
R O K: po usvajanju Amandmana
2. Odluka o usvajanju i provođenju izmjena i dopuna Prostornog plana  
- Nosilac zadatka: Stručni saradnik za prostorno uređenje, zaštitu okolice i šef Službe  
- Rok: juni 2002. godine
3. Odluka o rekonstrukciji spomen obilježja II Svjetskog rata (postavljanje bisti) i spomen ploča žrtvama agresije na BiH u periodu 92-95.  
- Nosilac zadatka: Služba za prostorno uređenje i Općinski načelnik.  
- Rok: august 2002. godine
4. Odluka o prenosu prava korištenja i upravljanja nad vodoprivrednim objektima sa Općine Breza na JKP "Breza" iz Breze.  
- Nosilac zadatka: Služba za privredu, obnovu i razvoj.  
- Rok: april 2002. godine.
5. Odluka o dopuni Odluke o deficitarnim i niskoakumulativnim djelatnostima na području Općine Breza.  
- Nosilac zadatka: Služba za opću upravu i finansije.  
- Rok: april 2002. godine.
6. Odluka o usvajanju i provođenju izmjena i dopuna Urbanističkog plana  
- Nosilac zadatka: Stručni saradnik za prostorno uređenje, zaštitu okolice i šef Službe  
- Rok: maj 2002. godine



7. Poslovi na izradi Regulacionog plana - industrijska zona Potkraj
  - Nositelj zadatka: Stručni saradnik za prostorno uređenje, zaštitu okolice i šef Službe
  - Rok: septembar 2002. godine.
8. Poslovi na izradi Regulacionog plana - SRC "Ada"
  - Nositelj zadatka: Stručni saradnik za prostorno uređenje, zaštitu okolice i šef službe
  - Rok: novembar 2002. godine
9. Poslovi na izradi Regulacionog plana - "Hrasno"
  - Nositelj zadatka: Stručni saradnik za prostorno uređenje, zaštitu okolice i šef Službe
  - Rok: decembar 2002. godine.
10. Donošenje Odluke o usvajanju i provođenju Regulacionog plana Kolonije
  - Nositelj zadatka: Stručni saradnik za prostorno uređenje, zaštitu okolice i šef Službe
  - Rok: maj 2002. godine.
11. Odluka o izmjenama i dopunama Odluke o građevinskom zemljištu
  - Nositelj zadatka: Stručni saradnik za promet nepokretnosti, katastar nekretnina i eksproprijacije, mlađi samostalni referent za uzurpacije, građevinsko, poljoprivredno i šumsko zemljište i šef Službe.
  - Rok: mart 2002. godine.
12. Odluka o određivanju procenta za utvrđivanje naknade za 1 m<sup>2</sup> građevinskog zemljišta u državnoj svojini koje se preuzima od ranijeg vlasnika.
  - Nositelj zadatka: Stručni saradnik za promet nepokretnosti, katastar nekretnina i eksproprijacije,
  - Rok: april 2002. godine.
13. Odluka o određivanju područja i uslova pod kojim se vrši umanjenje tržišne cijene eksproprijiranog poljoprivrednog zemljišta za 2002. godinu
  - Nositelj zadatka: Stručni saradnik za promet nepokretnosti, katastar nekretnina i eksproprijacije,
  - Rok: mart 2002. godine.
14. Odluka o visini naknade za nepriznata uzurpirana zemljišta.
  - Nositelj zadatka: Stručni saradnik za uzurpacije, građevinsko, poljoprivredno i šumsko zemljište.
  - Rok: mart 2002. godine
15. Odluka o saobraćaju.
  - Nositelj zadatka: Policijska uprava Breza,
  - Rok: april 2002. godine
16. Odluka o vrijednosti 1 m<sup>2</sup> stambenog prostora na općini Breza.
  - Nositelj zadatka: Stručni saradnik za građevinarstvo i šef Službe.
  - Rok: januar 2002. godine.
17. Odluka o usvajanju i provođenju prijedloga izmjena i dopuna Prostornog plana.  
NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove.  
R O K: juni 2002. godine.



## 18. Odluka o izmjeni Odluke o zauzimanju javnih površina na Općini Breza

- Nosilac zadatka: Mlađi ferent za stambeno-komunalnu oblast i šef službe.

- Rok: april 2002. godine.

## 19. Odluka o usvajanju i provođenju prijedloga izmjena i dopuna Urbanističkog plana grada.

NOSILAC ZADATKA: Služba za prostorno uređenje, zaštitu okolice, geodetske i imovinsko-pravne poslove.

R O K: april 2002. godine.

## 20. Davanje saglasnosti za optičke i el.kablove u projektima kablovske TV mreže.

Rok: Stalno.

## 21. Zaključak o vrijednosti boda za utvrđivanje komunalne naknade za 2002. godinu.

- Nosilac zadatka: Stručni saradnik za građevinstvo.

- Rok: mart 2002. godine.

**III - UPRAVNO-NADZORNI POSLOVI**

## 1. Izvještaj o radu upravnih odbora javnih preduzeća i javnih ustanova osnovanih od strane Općinskog vijeća Breza.

NOSILAC ZADATKA: predsjednici Upravnih odbora javnih preduzeća i ustanova.

R O K: april 2002. godine.

**IV - STRUČNO-OPERATIVNI POSLOVI**

1. Preporuka o suradnji Općinskog vijeća Breza sa drugim Općinskim vijećima susjednih općina, u cilju rješavanja zajedničkih problema.
2. Preporuka vezana za realizaciju ustavne mogućnosti prijenosa kantonalnih ovlaštenja na općine.
3. Preporuka kojom se ukazuje na značaj obrazovanja kao bitnog faktora za razvoj Općine.
4. Preporuka vezana za unapređenje razvoja poljoprivrede na području Općine Breza.
5. Preporuka kojom se ukazuje na potrebu oživljavanja rada kulturno-umjetničkih društava na području Općine Breza.
6. Preporuka u smislu davanja smjernica općinskom načelniku i općinskim službama za upravu u cilju što efikasnijeg ispunjavanja radnih zadataka.

**V - OSTALI POSLOVI**

## 1. Izdavanje potrebnih saglasnosti na akte predviđene zakonom i drugim propisima.

NOSILAC ZADATKA: Općinsko vijeće.

R O K: po potrebi.

NAPOMENA: Ovaj Program je sačinjen, detaljno sagledavajući sve predviđene aktivnosti općinskog načelnika i Službi za upravu i djelokruga rada Općinskog vijeća Breza.

Ukoliko bude potrebe za donošenjem novih odluka, kao rezultatom potrebnih usklađivanja sa donošenjem novih zakona ili izmjena postojećih, izvršiće se neophodne dopune ovog Programa.

Općinsko vijeće će pored ovih redovnih poslova, ustanovljenih Statutom i Poslovníkom o radu Općinskog vijeća Breza, donositi odluke, rješenja, zaključke, naredbe, uputstva i preporuke, na prijedlog ovlaštenih predlagaga, ukoliko se budu ukazivale takve situacije, te zauzimati stavove povodom rješavanja određene problematike iz djelokruga svoga rada.

PREDSJEDAVAJUĆI  
Općinskog vijeća  
Jakub Dinarević, s.r.



Na osnovu člana 53. i 54. Zakona o budžetima FBiH ("Sl.novine FBiH", broj 20/98) i člana 22. tačka 5. Zakona o lokalnoj samoupravi ("Sl.novine ZE-DO kantona", broj 13/98) i člana 27. tačka 4. i 49. Statuta Općine Breza ("Sl.glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.03.2002. godine d o n o s i

### O D L U K U O IZVRŠENJU BUDŽETA ZA 2001. GODINU

#### A - PRIHODI BUDŽETA OD 01.01.do 31.12.2001.godine

N A Z I V	PLANIRANO	OSTVARENO	INDEX 2/3
1.	2.	3.	4.
UKUPAN PRIHOD	1.939.300	1.361.464	70,20
I POREZNI PRIHODI	953.800	546.152	0,57
1.Porez na dobit od pojed. i preduzeća	28.000	41.165	1,47
2.Porez na plaću i radnu snagu	421.800	156.534	0,37
2.1.Porez na platu	396.800	117.300	0,29
2.2.Porez na dod.primanja	25.000	39.034	1,56
3. Porez na imovinu	194.000	108.984	0,56
3.1.Porez na nasljeđe i darove	4.000	1.488	0,37
3.2.Porez na promet nepokret.	90.000	107.496	1,19
3.3.Ost.stalni porez.na imov.	100.000	-	-
4.Domaći porezi na usluge	310.000	239.469	0,77
4.1.Porez na promet proizvoda	130.000	128.103	0,98
4.2.Porez na promet usluga	180.000	104.326	0,58
4.3.Porez.na prom.pos.usluga	-	7.040	-
II NEPOREZNI PRIHODI	785.500	722.882	0,92
Taxe	200.000	156.501	0,78
Općinske naknade	546.000	428.911	0,79
Novčane kazne i ostali prihodi od kazni	18.000	3.020	0,18
Prihodi od pružanja usl.ostalim	21.500	16.057	0,75
Ostali prihodi od imov.	-	118.393	-
III TEKUĆE POTPORE (grantovi)	200.000	92.430	0,46
Potpore iz Kantona	100.000	92.430	0,92
Potpore iz Federacije	100.000	-	-



**B - IZDACI IZ BUDŽETA OD 01.01. do 31.12.2001.godine**

N A Z I V	PLANIRANO	OSTVARENO	INDEX
1.	2	3.	4.
<b>UKUPNI IZDACI</b>	<b>1.595.900</b>	<b>1.421.586</b>	<b>0,89</b>
<b>I TEKUĆI IZDACI</b>	<b>1.368.900</b>	<b>1.225.233</b>	<b>0,90</b>
1. Plate i naknade troš.zaposl.	831.600	749.696	0,90
1.1.Bruto plate i naknade	651.600	530.208	0,81
1.2.Nakn.trošk.zaposl. i skupštinskih zastup.	180.000	219.488	1,22
2. DOPRINOSI POSLOD.	68.000	59.953	0,88
3.IZDACI ZA MATERIJAL I USLUGE	469.300	415.584	0,89
3.1.Putni troškovi	5.000	11.264	2,25
3.2.Izdaci za energiju	60.000	83.362	1,39
3.3.Izdaci za komun.usl.	80.000	91.955	1,15
3.4.Nabavka materijala	30.000	23.928	0,80
3.5.Izdaci za usl.prev.i gor.	30.000	16.272	0,54
3.6.Unajmljivanje imovine	63.200	24.536	0,39
3.7.Izdaci za tekuće održav.	15.000	22.801	1,52
3.8.Izdaci osig.i bankarskih usluga	6.100	4.422	0,72
3.9.Ugovorene usluge	180.000	137.044	0,76
4. GRANTOVI-POTPORE (tek.transf)	197.000	192.208	0,98
4.1.Grantovi MZ	80.000	36.975	0,46
4.2.Grantovi pojedinci	24.000	35.031	1,46
4.3.Grantovi neprof.organ.	30.000	29.574	0,99
4.4.Subvencije javnim pred.	63.000	90.628	1,44
5. Izdaci za kamate	-	3.806	-
<b>II KAPITALNI IZDACI</b>	<b>30.000</b>	<b>339</b>	<b>0,01</b>
<b>IV - R E Z E R V A</b>			



## PRILOG: 1

**ANALITIČKI PREGLED TEKUĆIH TRANSFERA  
ZA PERIOD OD 01.01. DO 31.12.2001. GODINE**

NAZIV	PLANIRANO	OSTVARENO
<b>GRANTOVI NEPROFITNIM ORGANIZ.</b>		
<b>I - POLITIČKE STRANKE</b>		
SDP		3.632,50
SDA		1.156,50
Stranka za BiH		2.352,50
LGK		104,00
DSP		104,00
- Potpore vjerskim zajednicama		1.000,00
<b>- GRANTOVI ŠKOLAMA</b>		
- MSŠ "Mehmedalija-mak Dizdar"		100,00
- OŠ "Hasan Kikić"		250,00
- Opća gimn. "Muhsin Rizvić"		100,00
- Grant Medicinskom fakultetu		1.000,00
<b>II - UDRUŽENJA</b>	<b>30.000,00</b>	
<b>UDRUŽENJA GRAĐANA</b>	<b>15.000,00</b>	
- Crveni križ Breza		2.200,00
- Ekološko društvo		100,00
- JOB - Unija veterana		300,00
- "Nektar"		100,00
- Porodice šehida i pog.bor.		200,00
- RVI		200,00
- SUBNOR		500,00
- Majke Srebrenice		100,00
- Udruženje slijepih		250,00
- Penzioneri		800,00
<b>SPORTSKA UDRUŽENJA</b>	<b>15.000,00</b>	
- "Rudar" Breza		6.250,00
- "Mladost"		3.200,00
- "Gana i Ruhla"		100,00
- Sportski savez		4.900,00
- Sportski ribolov		100,00
<b>III - SUBVENCije JU</b>		
- Srednje škole	<b>17.000,00</b>	36.628,00
- Obdanište	<b>40.000,00</b>	28.900,00
- Primarna zdrav.zaštita	<b>6.000,00</b>	-
- JKP	-	25.200,00
<b>IV - GRANTOVI POJEDINCIMA</b>	<b>24.000,00</b>	
- vanredna pomoć pojedincima		500,00
- jednokrat. pom. Centru za soc.rad	<b>12.000,00</b>	8.650,00
- stipendije i prevoz	<b>12.000,00</b>	16.559,00
<b>V - GRANTOVI MZ-a</b>	<b>80.000,00</b>	36.974,70

Broj: 01/1-02-562/02  
Breza, 28.03.2002.godine

PREDSJEDAVAJUĆI  
Općinskog vijeća  
Jakub Dinarević, s.r.



Na osnovu člana 35. Zakona o cestama ("Službene novine FBiH", broj 6/02), a u vezi sa članom 167. Zakona o bezbjednosti saobraćaja na putevima ZE-DO kantona ("Službene novine ZE-DO kantona", broj 13/97), i člana 27. tačka 3. te člana 49. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza, na sjednici održanoj dana 28.03.2002. godine, d o n o s i :

## **O D L U K U** **o bezbjednosti saobraćaja**

### **I - OSNOVNE ODREDBE**

#### **Član 1.**

Ovom Odlukom uređuju se pravila i uslovi mjere bezbjednosti za vršenje saobraćaja na putevima u naseljenim mjestima na području općine Breza, propisuju zabrane, ograničenja i obaveze, radi bezbjednosti saobraćaja i njegovog nesmetanog odvijanja.

#### **Član 2.**

Javni putevi, ulice, druge saobraćajne i javne površine na kojima se odvija saobraćaj na području općine Breza moraju se održavati u takvom stanju da se na njima može vršiti trajan, nesmetan i bezbjedan saobraćaj.

#### **Član 3.**

Javni putevi, ulice, druge saobraćajne i javne površine na kojima se odvija saobraćaj na području općine Breza, moraju se opremiti saobraćajnom signalizacijom u skladu sa odredbama Pravilnika o saobraćajnim znacima, zavisno od saobraćajno-tehničkih uslova puta.

#### **Član 4.**

Naredbe o izmjenama režima saobraćaja na lokalnim i regionalnim putevima na području općine Breza donosi nadležni kantonalni organ, a na nekategorisanim putevima općinski načelnik.

### **II - SAOBRAĆAJ I MJERE BEZBJEDNOSTI**

#### **1. Brzina kretanja**

#### **Član 5.**

Brzina kretanja motornih vozila ograničava se na 60 km/h:

1. Na regionalnom putu broj: 444 Podlugovi-Vareš na dionici od granice općine Ilijaš, restoran "Kulakov Han" do skretanja za naselje Župča, na dionici od mosta na rijeci Stavnji kod sporednog puta za s.Bukovik do rezervoara "Milkino vrelo".
2. Na lokalnom putu Mahala-Prhinje-Visoko, na dionici od raskrsnice "Borovi" do granice sa općinom Visoko (propust na potoku u Livadama).

Brzina kretanja motornih vozila ograničava se na 40 km/h:

1. U svim ulicama u naseljenom mjestu Breza, lokalnim i nekategorisanim putevima na području općine.

#### **2. Zabrana saobraćaja**

#### **Član 6.**

Zabranjuje se saobraćaj u oba smjera:

1. Ulicom prema zgradi KDB "Preporod" i gradskoj biblioteci "Muhamed Kantardžić", osim vozila za odvoz smeća JKP "Breza" i drugih vozila sa odobrenjem, kada obavljaju službene poslove,
2. U Bosanskoj ulici, osim vozila za snabdjevanje u vremenu od 00,00 do 08,00 sati i vozila JKP "Breza" iz prethodnog stava,



- zadržavanje vozila za snabdjevanje ne smije biti duže od vremena potrebnog za utovar-istovar robe, a najduže jedan sat,
- odobrenje iz stava 1, izdaje Služba za opću upravu i finansije općine Breza.

3. Ulicom Hasana Kfajije, osim službenih vozila Policijske uprave Breza,
4. Zabranjuje se saobraćaj teretnih motornih vozila preko dvije tone nosivosti u oba pravca u dijelu ulice Dr.Mehmeda Spahe u naselju Mahala od prodavnice DD "Udarnik" do raskrsnice ulice "Derviševići",
5. Zabranjuje se saobraćaj teretnih motornih vozila preko 7 tona nosivosti u oba pravca u dijelu ulice "Odred Sretno" kroz naselje Založje, od kućnog broja 9 do izlaza na ulicu Odreda "Plana" kod proizvodnog pogona GP "Sretno", osim vozila za snabdjevanje stanovnika ovog naselja.

Zabranjuje se saobraćaj u jednom smjeru:

1. U Bogumilskoj ulici, od hotela "Breza" do Radničkog doma,
2. U ulici Ismeta Šarića do MSŠ "Breza" do kućnog broja 8,
3. U ulici Zeleni put u s.Mahala, od obale prema ulici Branilaca grada.

### 3. Skretanje

#### Član 7.

Zabranjuje se skretanje ulijevo:

1. Iz Šehidske ulice iz pravca Breze prema Varešu, u ulicu Ismeta Šarića kod MSŠ "Breza",
2. U ulicu Ismeta Šarića kod kućnog broja 8,
3. Iz Desitijatske ulice u ulicu Bosanskih namjesnika,
4. Iz ulice dr. Mehmeda Spahe s.Mahala u ulicu Branilaca grada.

Zabranjuje se skretanje udesno:

1. Iz Šehidske ulice, iz pravca Vareša, u ulicu Ismeta Šarića, kod MSŠ "Breza",
2. Iz ulice ZAVNOBIH-a u Bogumilsku ulicu,
3. Iz ulice dr. Mehmeda Spahe s.Mahala prema ulici Zeleni put.

### 4. Prvenstvo prolaza

#### Član 8.

Putevi sa pravom prvenstva su: Regionalni put broj: 444 Podlugovi-Vareš, cijelom svojom dužinom, te ulice: Rudarska, Branilaca grada, Bosanskih namjesnika, Šehidska, Bogumilska.

### III - PARKIRANJE I ZAUSTAVLJANJE

#### Član 9.

Parkiranje vozila može se vršiti na za to određenom i na odgovarajući način obilježenom prostoru.

#### Član 10.

Određivanje prostora za parkiranje vozila vrši nadležna služba općine Breza uz prethodno pribavljeno mišljenje Policijske uprave Breza.

Prostor za parkiranje vozila mora biti obilježen odgovarajućom saobraćajnom signalizacijom. Služba iz stava 1. ovog člana može odrediti da se prostor za parkiranje vozila uredi i osigura na odgovarajući način, kao i da se parkiranje m/v vrši uz naplatu.

#### Član 11.

Na mjestima gdje je dozvoljeno parkiranje vozila zabranjeno je ostaviti neispravno ili havarisano vozilo duže od 24 sata.



Ako ovlašćeni službenik policije na prostoru namijenjenom za saobraćaj i parkiranje vozila zatekne ostavljeno, neispravno ili havarisano vozilo, izvjesti će se JKP "Breza" da se takvo vozilo ukloni o trošku njegovog vlasnika na plato Haldije, iznad Rimokatoličkog groblja.

Ako je vlasnik, odnosno korisnik nepoznat ili vozilo bez oznake isto će se ukloniti na teret budžeta općine.

#### Član 12.

Teretna motorna vozila mogu se parkirati samo na parkiralištu sa lijeve strane u ulici Odred "Sretno" prema Založju.

Autobusi se mogu parkirati, putnička vozila se mogu zaustavljati zbog snabdijevanja do 15 min. u Bogumijskoj ulici od samoposluge do hotela "Breza".

Zabranjeno je zaustavljanje i parkiranje motornih vozila u ulici 6.april od DTV "Partizan" do prilaznog puta za stovarište DP "Udarnik" u dužini od 55 metara, osim vozila za snabdijevanje.

Zabranjuje se parkiranje i zaustavljanje motornih vozila, osim autobusa DP RMU "Breza" i "Autotransa" Vareš, na platou ispred glavne kapije RMU "Breza".

Zabranjuje se zaustavljanje i parkiranje za sva vozila ispred zgrade "Borac" ul. Bosanska.

#### IV - AUTOBUSNA STAJALIŠTA

#### Član 13.

Prostor za autobusna stajališta u linijskom drumskom saobraćaju na regionalnom putu u naseljenim mjestima, lokalnim putevima i autobusna stajališta preduzeća koja vrše prevoz za vlastite potrebe određuje nadležni kantonalni organ, a na prijedlog Službe za prostorno uređenje, zaštitu okolice, geodetske i imovinsko-pravne poslove općine Breza.

#### V - SAOBRAĆAJ ZAPREŽNIH VOZILA

#### Član 14.

U saobraćaju na putevima mogu da učestvuju zaprežna vozila samo ako su registrovana.

Za registrovana zaprežna vozila izdaje se, na propisanom obrazcu, potvrda o registraciji i registarska tablica.

Registarska tablica sadrži naziv - OPĆINA BREZA i registarski broj.

#### Član 15.

Zaprežno vozilo može se registrovati ako ispunjava sljedeće uslove:

- da ima ispravne uređaje za zaustavljanje i kočenje,
- da ne prelazi dozvoljene gabarite,
- da ima odgovarajuća katadiopterska stakla.

Registracija zaprežnog vozila vrši se prije prvog puštanja vozila u saobraćaj.

#### Član 16.

Zaprežno vozilo se registruje na ime vlasnika vozila ili na ime nosioca prava korištenja.

Ako je vozilo iz prethodnog stava u svojini više lica, registruje se na ime jednog od tih lica.

#### Član 17.

Registraciju zaprežnih vozila vrši Služba za opću upravu i finansije općine Breza, po zahtjevu vlasnika, odnosno nosioca prava korištenja.

O registrovanim zaprežnim vozilima vodi se propisana evidencija.

#### Član 18.

Ako vlasnik ili korisnik zaprežnog vozila odseli na područje druge općine ili ako otuđi zaprežno vozilo, dužan je u roku od 30 dana, od dana promjene prebivališta, odnosno dana otuđenja vozila, prijaviti nastalu promjenu kod organa koji je izvršio registraciju vozila.

#### VI - VRŠENJE OBUKE

#### Član 19.

Početna obuka u upravljanju motornim vozilom vrši se na poligonu za obuku, na platou ispred SRC "ADA" Breza i na dijelu Regionalnog puta od kraja Šehidske ulice do "Milkinog vrela".



## VII - POSTAVLJANJE I ODRŽAVANJE SAOBRAĆAJNE SIGNALIZACIJE

### Član 20.

Za postavljanje i održavanje saobraćajnih znakova i drugih uređaja za regulisanje saobraćaja kao i obilježavanje oznaka na putevima na području općine Breza, nadležan je kantonalni organ.

Kantonalni organ iz prethodnog stava dužan je da oštećenu i dotrajalu saobraćajnu signalizaciju obnavlja u proljetnom i jesenskom periodu tekuće godine.

## VIII - POSEBNE MJERE ZA BEZBJEDNOST SAOBRAĆAJA

### Član 21.

Radi što bolje zaštite pješaka u saobraćaju, a naročito učenika osnovnih i srednjih škola, pored postojeće saobraćajne signalizacije postavljaju se tzv. "LEŽEĆI POLICAJCI", u sljedećim naseljenim mjestima, i to:

1. U ulicu Branilaca grada, pored OŠ "Safvet Beg Bašagić" ispred autobuske stanice (kućni broj 20) i raskrsnice puteva za naselje Smailbegovići i naselje Mahala (kućni broj 70),
2. U Šehidskoj ulici (kućni broj 15 i 25),
3. U naselju Župča u ulici Mula Mustafe Bašeskije, pored OŠ "Hasan Kikić" (kućni broj 82 i 94) i raskrsnice puteva za selo Podgoru i zaseok Vidonja, ispred kapije stovarišta DD "Udarnik", zatim ulici Ahmeda Smajlovića, kod (kućnog broja 24, 56, 62 i 70),

U raskrsnici ulica Bosanskih namjesnika, 6. april i "Odred Sretno", saobraćaj će se regulisati pomoću svjetlosnih saobraćajnih znakova (semafora).

Pranje, čišćenje i veće opravke vozila, zabranjuju se na javnim površinama na kojima se odvija saobraćaj i kod stambenih zgrada u naseljenom mjestu Breza.

### Član 22.

Ako se dio kolovoza i trotoara koristi za izvođenje radova na građevinskim objektima, korisnik objekata, odnosno izvođač radova je dužan izvršiti obilježavanje odgovarajućim saobraćajnim znakovima i obezbijediti odgovarajućom zaštitnom mrežom.

Ako se dio kolovoza ne može koristiti za bezbjedno odvijanje saobraćaja izvođač radova ili korisnik objekta obavezan je da sa oba kraja postavi odgovarajući znak i branike po širini kolovoza kojim se potpuno zatvara opasna zona.

Ako se dio kolovoza, trotoara ili neke druge površine za vršenje javnog saobraćaja, ošteti ili uništi prilikom izvođenja radova na opravci vodovodne, kanalizacione, telefonske, elektro mreže ili drugih radova, izvođač radova dužan je po završetku radova dovesti javnu površinu za vršenje javnog saobraćaja u prvobitno stanje.

### Član 23.

Trotoar i kolovoz u principu ne mogu se koristiti za istovar ili utovar materijala ili robe.

Izuzetno, trotoar, i dio kolovoza mogu se koristiti za utovar ili istovar materijala i robe ukoliko za to nema drugih mogućnosti, s tim da se istovareni materijal sa trotoara ili dijela kolovoza mora ukloniti u roku od 3 sata od izvršenja istovara.

Dio kolovoza ili trotoara nakon uklanjanja robe, odnosno drugog materijala mora se potpuno očistiti.

### Član 24.

Nadležni kantonalni organ može, radi bezbjednosti i nesmetanog odvijanja saobraćaja na lokalnim i regionalnim putevima obustaviti saobraćaj ili odrediti posebno ograničenje za pojedine vrste vozila, kao i ograničenje brzine kretanja motornih vozila, dok postoje razlozi zbog kojih se te mjere poduzimaju.

Nadležni općinski organ, po ovlaštenju općinskog Načelnika može odrediti ista ograničenja i na nekategorisanim putevima koji prolazi kroz naseljena mjesta na području općine Breza.



Obaveza i ograničenja iz stava 1. i 2. ovog člana moraju biti blagovremeno saopštene učesnicima u saobraćaju propisanim saobraćajnim znakovima i na drugi pogodan način.

#### IX - KAZNE NE ODREDBE

##### Član 25.

Novčanom kaznom u iznosu od 10,00 KM do 300,00 KM kazniće se za prekršaj pojedinac, a novčanom kaznom u iznosu od 50,00 KM do 3.000,00 KM kazniće se privredno društvo, organizacija ili zajednica, udruženje građana i drugo pravno lice, ako:

1. Ostavi neispravno ili havarisano vozilo na prostoru namijenjenom za parkiranje vozila ili drugoj javnoj površini duže od 24 sata (član 11. stav 1.),
2. Dio kolovoza ili trotoara koji se koristi za izvođenje radova na građevinskim ili drugim objektima ne obilježi ili obezbijedi na drugi odgovarajući način (član 22.),
3. Novčanom kaznom od 800,00 KM kazniće se odgovorno lice u privrednom društvu organizaciji ili zajednici, udruženju građana i drugim pravnim licima, ako ne postupi po odredbama člana 23. ove Odluke.

##### Član 26.

Novčanom kaznom od 50,00 KM do 100,00 KM, kazniće se pojedinac, ako:

1. Postupi suprotno odredbama člana 6. ove Odluke.

##### Član 27.

Novčanom kaznom od 50,00 KM do 100,00 KM kazniće se za prekršaj:

1. Vlasnik, odnosno nosilac prava korištenja zaprežnog vozila, ako postupi suprotno odredbama iz člana 14., ove Odluke.
2. Lice koje postupi suprotno članu 21. stav 2. i člana 23., ove Odluke.

##### Član 28.

Roditelj, usvojitelj, odnosno staratelj maloljetnika koji učini prekršaj iz ove Odluke kazniće se novčanom kaznom propisanom ovom Odlukom, ako je izvršenje prekršaja posljedica prepuštanja dužnog staranja nad maloljetnikom.

#### X - PRELAZNE I ZAVRŠNE ODREDBE

##### Član 29.

Ovlašćuje se šef Službe za opću upravu i finansije općine Breza, da donese propis o sadržaju, obliku, boji i vrsti materijala, obrasca potvrde o registraciji zaprežnih vozila, o načinu vođenja evidencija o registrovanim zaprežnim vozilima i izdatim potvrdama o registraciji tih vozila.

##### Član 30.

Nadzor nad sprovođenjem ove Odluke vrši Policijska uprava Breza i nadležne službe općine Breza.

##### Član 31.

Danom stupanja na snagu ove Odluke prestaju da važe Odluke broj: 01/1-023-191/96 od 25.07.1996., 01/1-023-237/96 od 13.12.1996, 01/1-023-263/97 od 09.01.1997. i 01/1-023-178/98 od 10.09.1998. godine.

##### Član 32.

Ova Odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-563/02  
Breza, 28.03.2002. godine

PREDSJEDAVAJUĆI  
Općinskog vijeća  
Jakub Dinarević, s.r.



Na osnovu člana 13. stav 2. Zakona o porezima ZE-DO kantona ("Sl. novine ZE-DO kantona", broj 24/99), i člana 49. stav 1. Statuta Općine Breza ("Službeni glasnik Općine Breza", broj 1/999, 4/99 i 7/99), Općinsko vijeće Breza na sjednici održanoj dana 28.03.2002. donosi

### ODLUKU

#### **o dopuni Odluke o deficitarnim i niskoakumulativnim djelatnostima na području Općine Breza.**

##### Član 1.

U Odluci o deficitarnim i niskoakumulativnim djelatnostima na području Općine Breza ("Službeni glasnik Općine Breza", broj 5/2000) u članu 3. stav 2. dodaje se:

- tačka 20. koja glasi: "auto-električarska",
- tačka 21. koja glasi: "auto-lakirerska",
- tačka 22. koja glasi: "dijagnostika trapova na svim vrstama vozila",
- tačka 23. koja glasi: "Mini farme" (prerada voća i povrća, stočarstvo, peradarstvo, uzgoj riba, proizvodnja meda i proizvoda od meda, uzgoj ljekobilja, uzgoj cvijeća i sadnica, odgajanje živine zečeva, svilenih buba, skupljanje bilja i šumskih plodova, proizvodnja jaja i gljiva).

##### Član 2.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-561/02  
Breza, 28.03.2002.godine

PREDSJEDAVAJUĆI  
Općinskog vijeća  
Jakub Dinarević, s.r.

Na osnovu člana 11. Zakona o uzurpacijama ("Službeni list SRBiH", broj 6/78 i ("Službeni list RBiH", broj 21/92, 13/94), člana 27. i 49. Statuta Općine Breza ("Službeni glasnik općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.03.2002. godine, d o n o s i

### ODLUKU

#### **o visini naknade za nepriznata uzurpirana zemljišta u 2002. godini.**

##### Član 1.

Naknada za nepriznata uzurpirana zemljišta u 2002. godini uzurpantima zemljoradnicima utvrđivat će se na sljedeći način:

- a) Ako se uzurpantu ne može dati naknada u drugom zemljištu odredit će mu se naknada u novcu za poljoprivredna zemljišta u iznosu od sedmostrukog jednogodišnjeg katastarskog prihoda sa uzurpiranog zemljišta.
- b) Za neplodna zemljišta u iznosu od trostrukog prihoda uzetog za pašnjak najniže klase u istoj katastarskoj općini.

##### Član 2.

Danom stupanja na snagu ove Odluke prestaje da važi Odluka o visini naknade za nepriznata uzurpirana zemljišta u 2001. godini broj: 01/1-02-812/01 od 26.04.2001. godine.



## Član 3.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-564/02

Breza, 28.03.2002. godine

PREDSJEDAVAJUĆI

Općinskog vijeća

Jakub Dinarević, s.r.

Na osnovu člana 56. stav 2. Zakona o eksproprijaciji i člana 3. stav 1. Zakona o izmjenama i dopunama Zakona o eksproprijaciji ("Službeni list SRBiH", broj 12/87, 38/89, 15/94) i Zakona o pretvorbi društvene svojine ("Sl. list R BiH", broj 33/94) i člana 27. Statuta općine Breza ("Službeni glasnik općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.03.2002. godine, donosi

**O D L U K U**

**o određivanju procenta za utvrđivanje naknade za 1 m<sup>2</sup> građevinskog zemljišta u državnoj svojini koji se preuzima od ranijeg vlasnika**

## Član 1.

Ovom Odlukom određuje se procenat za utvrđivanje naknade za 1 m<sup>2</sup> građevinskog zemljišta u državnoj svojini koje se preuzima od ranijeg vlasnika.

## Član 2.

Naknada za 1 m<sup>2</sup> građevinskog zemljišta u državnoj svojini koje se preuzima od ranijeg vlasnika, određuje se u procentu od 2% od tržišne cijene formirane u četvrtom tromjesečju prethodne godine za 1 m<sup>2</sup> stambenog prostora izgrađenog u tom mjestu, s tim što se prosječna ugovorena cijena stambenog prostora svaka tri mjeseca u toku godine valorizuje na osnovu indeksa rasta cijena građevinskih radova u visokogradnji i niskogradnji.

## Član 3.

Danom stupanja na snagu ove Odluke prestaje da važi Odluka o određivanju procenta za utvrđivanje naknade za 1 m<sup>2</sup> građevinskog zemljišta u društvenoj svojini koja se preuzima od ranijeg vlasnika broj: 01/1-02-447/00 od 30. marta 2000. godine.

## Član 4.

Ova Odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-565/02

Breza, 28.03.2002. godine

PREDSJEDAVAJUĆI

Općinskog vijeća

Jakub Dinarević, s.r.

Na osnovu člana 49. stav 3. i 5. Zakona o eksproprijaciji i člana 2. stav 2. Zakona o izmjenama i dopunama Zakona o eksproprijaciji ("Službeni list SRBiH", broj 12/87, 38/89 i 15/94), člana 27. i 49. Statuta općine Breza ("Službeni glasnik općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.03.2002. godine, d o n o s i

**O D L U K U**

**o određivanju područja i uslova pod kojima se vrši umanjene tržišne cijene eksproprijisanog poljoprivrednog zemljišta za 2002. godinu**



## Član 1.

Ovom Odlukom određuje se na kojim područjima i u kojim iznosima se vrši umanj enje tržišne cijene, cijene eksproprisanog poljoprivrednog zemljišta na području općine Breza.

## Član 2.

Umanjenje tržišne cijene eksproprisanog zemljišta vršit će se samo za zemljište koje se nalazi uz saobraćajnice:

1. Regionalni put br. 444 - Podlugovi - Vareš u pojasu širine 250 m lijevo i desno od ose puta.
2. Lokalni putevi koje se vežu za regionalni put u pojasu širine 150 m lijevo i desno od ose puta,
  - Podžupča - Župča,
  - Podžupča - Vrbovik,
  - Potkraj - Kamenice, između urbanih područja Kamenice i Koritnika,
  - Breza - Banjevac - G.Breza,
  - Mahala-Založje-G.Breza, između urbanih područja Mahala-Založje i G.Breza
3. U pojasu širine 150 m lijevo i desno od ose puta za sljedeće lokalne puteve:
  - Breza-Smrekovica-Sutješćica, između urbanih područja Breza,Smrekovica-Sutješćica,
  - Kamenice - Izbod, između urbanih područja Izbod i Kamenice,
  - Bulbulušići - Koritnik, između naselja Bulbulušići i Koritnik,
  - Koritnik - Bukovik, između urbanih područja Koritnik, Crema i Bukovik,
  - G.Breza - Vijesolići, između naselja G.Breza i Vijesolići,
  - Založje - Sokolj, između urbanog područja Založja do naselja Krčevine.
4. U pojasu širine 150 m lijevo i desno od ose puta za sljedeće lokalne puteve:
  - Trtorići - Slivno, od urbanog područja Slivno,
  - Bukovik - Opreč - Slivno, van urbanog područja Koritnik,
  - Slivno - Orahovo, između naselja Slivno, Orahovo, van urbanog područja Slivno,
  - Banjevac - Prhinje, između naselja Banjevac i Prhinje, van urbanog područja G.Breza,
  - G.Breza - Vardište, van urbanog područja Vardište,
  - Dabravine - Vardište, između naselja Dabravine - Vardište, van urbanog područja Vardište.

Tržišna cijena eksproprisanog poljoprivrednog zemljišta iz prethodnog člana umanjivat će se:

- za slučajeve iz tačke 1. najmanje 35 %
- za slučajeve iz tačke 2. najmanje 30 %
- za slučajeve iz tačke 3. najmanje 25 %
- za slučajeve iz tačke 4. najmanje 15 %

## Član 4.

Stupanjem na snagu ove Odluke prestaje da važi Odluka o određivanju područja i uslova pod kojima se vrši umanj enje tržišne cijene eksproprisanog zemljišta za 1996. godinu broj: 01/1-023-171/96 od 23.05.1996. godine.

## Član 5.

Ova Odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-566/02  
Breza, 28.03.2002. godine

PREDSJEDAVAJUĆI  
Općinskog vijeća  
Jakub Dinarević, s.r.



Na osnovu člana 68.b. Zakona o građevinskom zemljištu ("Službeni list SRBiH", broj 34/86, 1/90, 19/90) i ("Službeni list RBiH", broj 3/93, 13/94) i člana 27. i 49. Statuta općine Breza, ("Službeni glasnik općine Breza", broj: 1/99, 4/99 i 7/99), Općinsko vijeće na sjednici održanoj dana 28.03.2002. godine, d o n o s i:

### O D L U K U

**o utvrđivanju prosječne građevinske cijene 1 m2 korisne stambene površine u državnoj svojini na području općine Breza.**

#### Član 1.

Ovom Odlukom utvrđuje se prosječna konačna građevinska cijena m2 korisne stambene površine u državnoj svojini na području općine Breza u 2002. godini, u iznosu od 600,00 KM.

#### Član 2.

Prosječna konačna građevinska cijena iz prethodnog člana valorizovat će se u toku svaka tri mjeseca na osnovu indeksa rasta cijena građevinskih radova u visokogradnji i niskogradnji po sumarnoj metodologiji i podacima koje objavljuje Zavod za statistiku.

#### Član 3.

Danom stupanja na snagu ove Odluke prestaje da važi Odluka o utvrđivanju prosječne konačne građevinske cijene m2 korisne stambene površine na području općine Breza broj: 01/1-02-532/01 od 22.03.2001. godine.

#### Član 4.

Ova Odluka stupa na snagu osmog dana od dana objavljivanja u "Službenom glasniku općine Breza".

Broj: 01/1-02-567/02  
Breza, 28.03.2002. godine

PREDSJEDAVAJUĆI  
Općinskog vijeća  
Jakub Dinarević, s.r.

Na osnovu člana 6. i 67. Zakona o građevinskom zemljištu ("Službeni list SRBiH", broj 34/86, 1/90 i 19/90) i ("Službeni list RBiH", broj 3/93 i 13/94), i člana 27. i 49. Statuta općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.03.2002. godine, d o n o s i

### O D L U K U

**o izmjeni Odluke o građevinskom zemljištu**

#### Član 1.

U Odluci o građevinskom zemljištu ("Međuopštinski službeni glasnik Sarajevo", broj 15/88, 18/89, 6/90, 13/90), i 01/1-023-308/97 od 18.06.1997. godine, 01/1-02-780/99 od 27.05.1999. godine, 01/1-023-1682/00 od 26.10.2001. godine, te Odluke o izmjeni Odluke o građevinskom zemljištu ("Službeni glasnik općine Breza", broj 3/01 i 6/01), u članu 1. Odluke o izmjenama i dopunama Odluke o građevinskom zemljištu broj: 01/1-02-813/01 od 26.04.2001. godine, na kraju teksta člana 1. tačka se briše i dodaju se riječi:

"10% za zakup gradskog građevinskog zemljišta za sve privremene poslovne objekte koji se nalaze u Zanatskom centru II u Brezi i to za period od 2001-2005. godine".

#### Član 2.

Odluka o izmjenama i dopunama Odluke o građevinskom zemljištu broj: 01/1-02-1328/99) od 23.09.1999. godine, stavlja se van snage.



## Član 3.

Ova Odluka stupa na snagu danom objavljivanja u "Službenom glasniku općine Breza".

Broj: 01/1-02-568/02  
Breza, 28.03.2002. godine

PREDSJEDAVAJUĆI  
Općinskog vijeća  
Jakub Dinarević, s.r.

Na osnovu člana 9. tačka 6. Zakona o lokalnoj samoupravi ZE-DO kantona ("Službene novine ZE-DO kantona broj 13/98), i člana 49. Statuta općine Breza ("Službeni glasnik općine Breza", broj 1/99, 4/99 i 7/99), i Zaključka Općinskog vijeća broj: 01/1-02-319/02 od 25.02.2002. godine, Općinsko vijeće Breza na sjednici održanoj dana 28.03.2002. godine, d o n o s i

**ODLUKU****o rješavanju statusa privremenih objekata postavljenih  
na području općine Breza**

## Član 1.

Ovom Odlukom se uređuje postupak za rješavanje statusa privremenih objekata postavljenih prema Programu o zauzimanju javnih površina na području općine Breza 1997-2000. godina i prema rješenjima o dodjeli gradskog građevinskog zemljišta u zakup.

## Član 2.

Svi postavljeni privremeni objekti, obuhvaćeni prethodnim članom, se zadržavaju na svojim lokalitetima, do privođenja zemljišta trajnoj namjeni, a najduže do 5 godina.

## Član 3.

Rješenja o zauzimanju javnih površina i neizgrađenog gradskog građevinskog zemljišta za postavljene objekte će se ispostavljati trenutnim, odnosno sadašnjim korisnicima na osnovu njihovog zahtjeva.

## Član 4.

Međusobna prava i obaveze će se regulisati posebnim ugovorom na osnovu ispostavljenog rješenja.

## Član 5.

Ovaj rok se neće produžavati pa su korisnici obavezni riješiti alternativnu lokaciju za svoju djelatnost.

## Član 6.

Ova Odluka stupa na snagu danom objavljivanja u "Službenom glasniku općine Breza".

Broj: 01/1-02-569/02  
Breza, 28.03.2002. godine

PREDSJEDAVAJUĆI  
Općinskog vijeća  
Jakub Dinarević, s.r.

Na osnovu člana 27. tačka 13. i člana 49. Statuta Općine Breza ("Službeni glasnik Općine Breza" broj 1/99, 4/99 i 7/99), člana 3. i člana 7. Odluke o javnim priznanjima Općine Breza ("Službeni glasnik Općine Breza", broj 4/01), Općinsko vijeće Breza, na sjednici održanoj dana 28.03.2002. godine, d o n o s i

**ODLUKU****o dodjeljivanju javnog priznanja Općine Breza Plaketa Breze**



## Član 1.

U povodu 6. aprila Dana Općine Breza **"PLAKETA BREZE"**,

**DODJELJUJE SE:**

**RUDNIKU MRKOG UGLJA "BREZA" d.o.o. BREZA**

## Član 2.

Ova Odluka stupa na snagu danom donošenja, a ista će se naknadno objaviti u "Službenom glasniku Općine Breza".

Broj: 01/1-02-570-1/02  
Breza, 28.03.2002. godine

**PREDSJEDAVAJUĆI**  
Općinskog vijeća  
Jakub Dinarević, s.r.

Na osnovu člana 27. tačka 13. i člana 49. Statuta Općine Breza ("Službeni glasnik Općine Breza" broj 1/99, 4/99 i 7/99), člana 3. i člana 9. Odluke o javnim priznanjima Općine Breza ("Službeni glasnik Općine Breza", broj 4/01), Općinsko vijeće Breza, na sjednici održanoj dana 28.03.2002.godine, d o n o s i

**ODLUKU****o dodjeljivanju javnog priznanja Općine Breza "Nagrada Breze"**

## Član 1.

U povodu 6. aprila Dana Općine Breza, priznanje **"NAGRADA BREZE"**

**DODJELJUJE SE:**

1. Jedinstvenoj organizaciji boraca "Unija veterana" Breza, Udruženju građana ratnih vojnih invalida, Udruženju građana porodica šehida i poginulih boraca,
2. Mjesnoj zajednici Vardište,
3. Elektrodistribuciji Zenica, Poslovnj jedinici Breza,
4. Osnovnoj školi "Hasan Kikić" Župča,
5. Javnoj ustanovi "Dom zdravlja" Breza,
6. D.J.L. "Strong" Župča,
7. Mješovitoj srednjoj školi "Mehmedalija-mak Dizdar" Breza,
8. Odbojkaškom klubu "RMU Breza",
9. Radio-Brezi d.o.o. Breza,

## Član 2.

Uz diplome će se dodijeliti i novčane nagrade u iznosu od po 300,00 KM.

## Član 3.

Ova Odluka stupa na snagu danom donošenja, a ista će se naknadno objaviti u "Službenom glasniku Općine Breza".

Broj: 01/1-02-570-2/02  
Breza, 28.03.2002. godine

**PREDSJEDAVAJUĆI**  
Općinskog vijeća  
Jakub Dinarević, s.r.



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO - DOBOJSKI KANTON  
OPĆINA BREZA  
- Općinsko vijeće -

Broj: 01/1-02-513/02  
Breza, 28.03.2002.godine

Na osnovu člana 42. stav 3. Zakona o pravobranilaštvu ("Službene novine ZE-Do kantona" broj 6/98), i člana 27. tačka 8. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.03.2002. godine, d a j e

### P O T V R D U

na rješenje Općinskog načelnika broj: 01/2-34-409/2002 od 11.03.2002. godine o imenovanju

**HRUSTANOVIĆ HUSE** na poslove i zadatke Zajedničkog općinskog pravobranioca za općine Breza i Olovo.

#### DOSTAVLJENO:

1x Imanovanom,  
1x Općinskom načelniku općine Breza,  
1x Općinskom načelniku općine Olovo,  
1x Personalni dosije,  
1x 01/1,  
1x Arhiva.

#### PREDSEDavajući

Općinskog vijeća  
Jakub Dinarević, s.r.

Na osnovu člana 11. stav 2. Odluke o komunalnoj naknadi ("Međupštinski službeni glasnik Sarajevo", broj 5/91) i člana 27. i 49. Statuta općine Breza ("Službeni glasnik općine Breza", broj 1/99, 4/99 i 7/99), Općinsko vijeće Breza na sjednici održanoj dana 28.03.2002. godine, d o n o s i

### ZAKLJUČAK

#### o vrijednosti boda za utvrđivanje komunalne naknade za 2002. godinu

##### Član 1.

Vrijednost boda za utvrđivanje komunalne naknade za 2002. godinu, iznosi:

- za poslovni prostor .....	0,013 KM/m <sup>2</sup>
- za stambeni prostor.....	0,003 KM/m <sup>2</sup>

##### Član 2.

Ovaj zaključak stupa na snagu osmog dana od dana objavljivanja u "Službenom glasniku općine Breza".

Broj: 01/1-02-572/02  
Breza, 28.03.2002. godine

PREDSEDavajući  
Općinskog vijeća  
Jakub Dinarević, s.r.



## S A D R Ź A J

13. Program rada Općinskog vijeća Općine Breza za 2002. godinu.
18. Odluka o izvršenju Budžeta za 2001. godinu.
21. Odluka o bezbjednosti saobraćaja.
26. Odluka o dopuni Odluke o deficitarnim i niskoakumulativnim djelatnostima na području Općine Breza.
26. Odluka o visini naknade za nepriznata uzurpirana zemljišta u 2002. godini.
27. Odluka o određivanju procenta za utvrđivanje naknade za 1 m<sup>2</sup> građevinskog zemljišta u državnoj svojini koji se preuzima od ranijeg vlasnika.
27. Odluka o određivanju područja i uslova pod kojima se vrši umanjeње tržišne cijene eksproprisanog poljoprivrednog zemljišta za 2002. godinu.
29. Odluka o utvrđivanju prosječne građevinske cijene 1 m<sup>2</sup> korisne stambene površine u državnoj svojini na području općine Breza.
29. Odluka o izmjeni Odluke o građevinskom zemljištu.
30. Odluka o rješavanju statusa privremenih objekata postavljenih na području općine Breza.
30. a) Odluka o dodjeljivanju javnog priznanja Općine Breza Plaketa Breze.
31. b) Odluka o dodjeljivanju javnog priznanja Općine Breza "Nagrada Breze".
32. Potvrda o imenovanju Zajedničkog općinskog pravobranioca za općine Breza i Olovo.
32. Zaključak o vrijednosti boda za utvrđivanje komunalne naknade za 2002. godinu.